



Republika e Kosovës
Republika Kosova-Republic of Kosovo
Qeveria - Vlada – Government
Ministria e Zhvillimit Rajonal
Ministarstvo za Regionalni Razvoj
Ministry of Regional Development

Prishtinë: 24.03.2026

THIRRJE PUBLIKE PËR PROGRAMIN PËR ZHVILLIM RAJONAL TË BALANCUAR 2026
MASËN 4. MBËSHTETJE FINANCIARE PËR AKTERËT TJERË TË ZHVILLIMIT SOCIO -
EKONOMIK RAJONAL
NËN MASA 4.1. MBËSHTETJE PËR ORGANIZATAT E SHOQËRISË CIVILE

Qëllimi i thirrjes publike

Kjo thirrje publike nga Ministria e Zhvillimit Rajonal (MZHR) synon të mbështesë projektet e OJQ-ve që kontribuojnë në zhvillimin socio-ekonomik rajonal të balancuar, duke promovuar zhvillimin e qëndrueshëm, bashkëpunimin rajonal dhe përfshirjen e komunitetit.

MZHR fton organizatat e shoqërisë civile të regjistruara në Republikën e Kosovës, të cilat fokusohen në zhvillimin socio-ekonomik rajonal, të aplikojnë për mbështetje financiare. Qëllimi është përmbushja e objektivave të MZHR-së dhe avancimi i politikave për zhvillim rajonal.

Objektivat e projekteve

Thirrja fokusohet në dy objektiva kryesore:

- I. **Inkurajimi i të rinjve dhe grave për ngritjen e kapaciteteve në fushën e zhvillimit socio-ekonomik rajonal, përfshirë:**
 - o Identifikimin e fushave potenciale me ndikim zhvillimor rajonal dhe promovimin e tyre.

- Trajnime dhe certifikime në Teknologji Informative dhe Komunikim (TIK), dizajn grafik dhe inteligjencë artificiale.
 - Trajnime në ndërmarrësi, përfshirë hartimin e planeve të biznesit, financat dhe marketingun.
 - Zhvillimi i aftësive të buta, si lidershpi, komunikimi efektiv dhe mendimi kritik.
- II. **Promovimi dhe zgjerimi i zhvillimit socio-ekonomik rajonal**, duke përfshirë:
- Identifikimin dhe promovimin e mundësive të bashkëpunimit ndërmjet komunave, bizneseve dhe investitorëve.
 - Organizimin e aktiviteteve që promovojnë politikat e zhvillimit rajonal dhe nxisin pjesëmarrjen aktive të qytetarëve.
 - Zhvillimi i kapaciteteve lokale për krijimin e një ambienti të favorshëm për ndërmarrësi.
 - Promovimi i politikave të zhvillimit me fokus në prodhim dhe agjendën e gjelbër.
- III. **Përkrahja e Grave dhe të rinjve ndërmarrës (Kjo objektive aplikohet vetëm për Organizatat të cilat mund të bashkë financojnë projektet e kësaj objektive dhe kanë bashkëfinancim të siguar ose nga mjetet e veta ose nga burime të tjera si p.sh. donatorë, komuna, etj.)**, duke përfshirë:
- Identifikimin e ideve të reja inovative të ndërmarrësisë;
 - Ngritjen e kapaciteteve për ndërmarrësi të qëndrueshme;
 - Mbështetjen e ideve fillestare (Start Up)

Kriteret e aplikimit

- Organizatat e shoqërisë civile mund të aplikojnë vetëm për një prej këtyre tri (3) objektivave dhe mund të zgjedhin një ose më shumë nën-objektiva përkatës.
- Secila OJQ mund të aplikojë me një projekt të vetëm në kuadër të kësaj thirrje.

Partneriteti me biznese private

- OJQ-të mund të krijojnë partneritete me biznese private për zhvillimin e programeve të trajnimeve, shfrytëzimin e hapësirave, demonstrime, etj.
- Nëse ka një partneritet të tillë, OJQ-të duhet ta përmendin atë në projekt propozimin e aplikantëve.

Vlerat e planifikuara të mbështetjes

Vlera totale e planifikuar për thirrjen është rreth 200,000.00 euro, e cila mund të rritet ose të ndryshojë në përputhje me disponueshmërinë e mjeteve dhe kualitetin e aplikimeve. Shuma minimale dhe maksimale e mbështetjes për çdo objektiv të projektit janë të specifikuara si më poshtë:

- Projektet nga objektivi I dhe II do të financohen deri në 100% të totalit të kostove të pranueshme të projektit, ndërsa projektet nga objektivi III do të financohen 50% të projekt ideve. Aplikantët dhe partnerët potencialë kanë mundësinë të sigurojnë bashkëfinancim nga burime të tjera financiare, si burime publike ose private, për të mbështetur pjesë të tjera të projektit.
- Numri i OJQ-ve që mund të financohen përmes kësaj thirrje për objektivin I dhe II është rreth 30, kurse për objektivin 3, maksimum 2 OJQ. Ky numër mund të ndryshojë varësisht nga kualiteti i aplikimeve dhe vlerësimi i tyre nga komisioni përkatës.

Objektivat	Shuma minimale	Shuma maksimale
I. Inkurajimi i të rinjve dhe grave për ngritjen e kapaciteteve në fushën e zhvillimit socio-ekonomik rajonal	4,000.00€	6,000.00€
II. Promovimi dhe zgjerimi i zhvillimit socio-ekonomik rajonal	6,001.00€	10,000.00€
III. Përkrahja e grave dhe të rinjve ndërmarrës (Kjo objektive aplikohet vetëm për organizatat që kanë bashkëfinancim)	40,000.00€	60,000.00€

Kalendari indikativ i realizimit të thirrjes

24.03.2026 -	Hapja e thirrjes
14.04.2026 -	Afati për dorëzimin e pyetjeve në lidhje me thirrjen
17.04.2026 -	Publikimi i përgjigjeve në ueb faqen e MZHR
24.04.2026 -	Afati për dorëzimin e projekt propozimeve në MZHR
06.05.2026 -	Vlerësimi i kritereve procedurale
14.05.2026 -	Publikimi i rezultateve paraprake, njoftimi i aplikantëve
15.05.2026 - 29.05.2026 -	Afati për dorëzimin e ankesave
10.06.2026 -	Përgjigjet e komisionit të ankesave
11.06.2026 -	Nënshkrimi i kontratave
11.12.2026 -	Dorëzimi i Raportit përfundimtar narrativ

Lista e dokumenteve që duhet të dorëzohen

Aplikimi do të konsiderohet i plotë nëse përmban formën e aplikimit dhe anekset e detyrueshme siç kërkohet në thirrjen publike dhe dokumentacionin e thirrjes si në vijim:

- Formulari i projekt propozimit (F9).
- Formulari i propozim buxhetit (F10).
- Forma e deklaratës të mungesës së financimit të dyfishtë (F11).
- Formulari i deklaratës së partneritetit (nëse është e aplikueshme) (F12).
- Kopja e certifikatës së regjistrimit të OJQ-së (në të cilën përfshihet numri fiskal).
- Forma e deklarimit të projekteve të OJQ-ve të financuara nga burimet publike të financimit (2023, 2024, 2025) (F13).
- Formulari për deklaratën mbi aktivitetet e përshkruara të projektit (F14).
- Deklaratë vjetore për vitin 2025 (nga ATK), për OJQ e regjistruara para vitit 2025.
- Certifikatë nga Administrata Tatimore e Kosovës në lidhje me gjendjen e borxhit publik, për OJQ e regjistruara para vitit 2025, të vlefshme në ditën e aplikimit, me të cilën vërtetohet se aplikuesi nuk ka borxhe aktuale tatimore të pashlyera apo obligime tjera tatimore, ose është në marrëveshje për shlyerjen e borxhit me ATK (Certifikata duhet nxjerr gjatë kohës sa është e hapur thirrja publike).

- Me rastin e aplikimit, OJQ duhet të paraqesë prova se personi përgjegjës në OJQ dhe menaxheri i projektit nuk janë nën hetime për vepra penale (*Certifikata mbi dënimet penale mund të nxirret online në platformën e-Kosova*).
- Organizatave që aplikojnë për objektivin dy (2) të thirrjes "*Promovimi dhe zgjerimi i zhvillimit socio-ekonomik rajonal*", duhet t'i kenë plotësuar të paktën 3 vjet nga regjistrimi dhe të kenë së paku tre (3) referenca për projekte të realizuara, ku dy (2) prej tyre duhet të jenë projekte që kanë kontribuar në zhvillimin socio-ekonomik rajonal të balancuar (*shih kriteret e veçanta*).
- Organizatat që aplikojnë për objektivin tre (3) të thirrjes "*Përkrahja e Grave dhe të rinjve ndërmarrës*", duhet të kenë qenë të regjistruara për të paktën tre (3) vite para datës së publikimit të thirrjes dhe të kenë përfunduar së paku dy (2) projekte të ngjashme në përkrahjen e ndërmarrësisë, si dhe duhet të dëshmojnë bashkëfinancimin për numrin e projekt ideve që planifikojnë ti mbështesin. Një projekt ide për ndërmarrësit e rinj nga MZHR mund të përkrahet në shumën deri në 50% apo max. 2,000.00€, pjesa tjetër duhet të mbulohet nga OJQ. Shuma që përkrahet për këtë objektivë nuk mbulon shpenzimet tjera përveç 50% të projekt ideve për ndërmarrësit e rinj.
- Lista e punëtorëve së bashku me CV e tyre.
- Dëshmia e hapësirave dhe asetëve tjera logjistike të dedikuara për veprimtarinë e OJQ-së.
- Dëshmia për prani të një ueb faqeje ose llogarie në rrjetet sociale (si: Facebook, Instagram, LinkedIn etj.) ku mund të shihen aktivitetet e OJQ-së.

Propozimet do të dorëzohen vetëm në formularët e paraparë, të cilat së bashku me Udhëzimet për Aplikantët, janë në dispozicion në ueb faqen e Ministrisë së Zhvillimit Rajonal.

Dorëzimi i aplikacioneve

Të gjitha aplikacionet duhet të dorëzohen në Arkivin e MZHR në kopje fizike dhe të njëjtat të deponohen në USB.

Dorëzimi i aplikacioneve bëhet në zarf të mbyllur, ku brenda zarfit vendoset një kopje e printuar e të gjithë dokumentacionit original të kërkuar, si dhe një kopje në USB.

Në pjesën e jashtme të zarfit duhet të shënohet emri i thirrjes publike, së bashku me emrin e plotë dhe adresën e aplikuesit dhe shënimin "*Të hapet nga Komisioni Vlerësues*".

Do të konsiderohen për mbështetje financiare vetëm projektet që janë pranuar brenda afatit të paraparë me këtë thirrje publike, dhe të cilat i përmbushin plotësisht kushtet e përcaktuara të thirrjes publike.

Dokumentet e kompletuara mund të dorëzohen fizikisht në adresën e mëposhtme:

Arkivi/Shkrimorja e Ministrisë për Zhvillim Rajonal
Adresa: Ndërtesa e dytë e Qeverisë, ish-Pallati i Rilindjes,
Kati III
Prishtinë, Kosovë, 10000

Kontakt

Të gjitha pyetjet në lidhje me thirrjen mund të bëhen vetëm në mënyrë elektronike në adresën e mëposhtme: dpkzhr@rks-gov.net jo më vonë se 14.04.2026, përgjigjet do të publikohen në faqen zyrtare të MZHR-së më datë 17.04.2026.

Udhëzimet për aplikantët

Së bashku me këtë thirrje publike janë publikuar edhe Udhëzimet për Aplikantët për informata më të hollësishme në lidhje me thirrjen publike.